



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka (“Službeni glasnik BiH” broj 95/12), člana 25. Pravilnika o godišnjim finansijskim izvještajima političkih stranaka (“Službeni glasnik BiH” broj 96/13), a u skladu sa članom 18. Pravilnika o administrativnim procedurama pregleda, kontrole i revizije finansijskih izvještaja političkih stranaka (“Službeni glasnik BiH”, broj: 103/08), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2014. GODINU BOŠNJAČKE SELJAČKE STRANKE

Broj: 03-07-6-254/16
Sarajevo, 24.06.2016. godine

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS REVIZIJE.....	4
Predmet revizije.....	4
Cilj revizije.....	5
Obim revizije.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	5

MIŠLJENJE REVIZORA

Služba za reviziju finansiranja političkih stranaka (u daljem tekstu: Služba za reviziju) je izvršila reviziju godišnjeg finansijskog izvještaja Bošnjačke seljačke stranke za 2014. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo izvršili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garanciju da je stranka postupala u skladu sa odredbama Zakona o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Revizijom godišnjeg finansijskog izvještaja za 2014. godinu, utvrđeno je da je Bošnjačka seljačka stranka prekršila odredbe 11. i člana 12. stav (1) i stav (3) Zakona o finansiranju političkih stranaka.

Prema našem mišljenju, osim navedenog, revidirani finansijski izvještaj ukazuje da je Bošnjačka seljačka stranka u 2014. godini postupala u skladu sa odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila reviziju godišnjeg finansijskog izvještaja Bošnjačke seljačke stranke za 2014. godinu.

Revizija je preduzeta u skladu sa članom 10. stav (1) Zakona o finansiranju političkih stranaka, članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2014. godinu, Bošnjačka seljačka stranka se finansirala iz sljedećih izvora:

R/B	Izvori finansiranja	Iznos (KM)	Učešće u izvorima finansiranja (%)
1.	Članarina	0,00	0,00%
2.	Prilozi fizičkih lica (3-a)	0,00	0,00%
3.	Prilozi pravnih lica (3-b)	0,00	0,00%
4.	Prihodi od imovine (3-c)	0,00	0,00%
5.	Prihodi od pr.lica (3-d)	0,00	0,00%
6.	Prihodi od poklona (3-e)	1.200,00	100,00%
7.	Prihodi iz budžeta (3-f)	0,00	0,00%
8.	Prihodi od propag. (3-g)	0,00	0,00%
9.	Ostali prihodi	0,00	0,00%
I	Ukupni prihodi (1-9)	1.200,00	100,00%
II	Kreditno zaduženje kod banaka	0,00	0,00%
	Izvori finansiranja (I+II)	1.200,00	100,00%

Prema podacima iz godišnjeg finansijskog izvještaja, Bošnjačka seljačka stranka nije ostvarila rashode.

2. PREDSTAVLJANJE POLITIČKE STRANKE

Naziv političke stranke je Bošnjačka seljačka stranka. Skraćeni naziv stranke je BSS.

Bošnjačka seljačka stranka upisana je u registar političkih organizacija kod Osnovnog suda Brčko distrikta Bosne i Hercegovine, rješenjem broj: 096-0Dps-000002 od dana 18.01.2008. godine.

Sjedište političke stranke je u Brčko distriktu Bosne i Hercegovine, Brka bb.

Lice ovlašteno za zastupanje stranke je Mirsad Mujkanović, predsjednik.

Lice ovlašteno za podnošenje finansijskih izvještaja za 2014. godinu je Ibrahim Tursunović.

Prema podacima iz godišnjeg finansijskog izvještaja za 2014. godinu, Bošnjačka seljačka stranka nema niže nivoe organizovanja.

3. OPIS REVIZIJE

Predmet revizije je godišnji finansijski izvještaj Bošnjačke seljačke stranke za 2014. godinu.

Cilj revizije je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je Bošnjačka seljačka stranka u izvještajnom periodu postupala u skladu sa odredbama Zakona o finansiranju političkih stranaka.

Obim revizije finansijskih izvještaja Bošnjačke seljačke stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju izvršila je pregled godišnjih finansijskih izvještaja Bošnjačke seljačke stranke za period od 2008. do 2013. godine, nakon čega su izdati izvještaji o pregledu sa mišljenjem revizora, nalazima i preporukama.

Nakon izvršenog pregleda godišnjeg finansijskog izvještaja za 2013. godinu izdat je Izvještaj o pregledu sa mišljenjem revizora da je stranka postupala u skladu sa odredbama Zakona o finansiranju političkih stranaka.

5. NALAZI I PREPORUKE

5.1. NALAZI

Bošnjačka seljačka stranka prekršila je odredbe člana 11. i člana 12. stav (1) i stav (3) Zakona o finansiranju političkih stranaka.

Revizijom godišnjeg finansijskog izvještaja za 2014. godinu, utvrđeno je da Bošnjačka seljačka stranka nije vodila evidencije o svojim prihodima i rashodima, da je godišnji finansijski izvještaj dostavila nakon zakonom propisanog roka¹ i da obrasce rashoda nije popunila u skladu sa Pravilnikom o godišnjim finansijskim izvještajima političkih stranaka, čime je prekršila odredbe člana 11. i člana 12. stav (1) i stav (3) Zakona o finansiranju političkih stranaka.

Bošnjačka seljačka stranka je sačinila i Godišnji obračun za 2014. godinu predala Direkciji za finansije Brčko distrikta Bosne i Hercegovine dana 03.02.2015. godine. U Godišnjem obračunu stranka nije iskazala prihode i rashode koji su prema podacima iz godišnjeg finansijskog izvještaja iznosili 1.200,00 KM.

Uvidom u godišnji finansijski izvještaj koji je dostavljen Centralnoj izbornoj komisiji Bosne i Hercegovine dana 04.05.2016. godine, utvrđeno je da je Bošnjačka seljačka stranka iskazala nenovčane donacije po osnovu besplatnog korištenja poslovnog prostora u vlasništvu fizičkog lica, odnosno ukupne prihode u iznosu od 1.200,00 KM. Međutim, stranka nije na obrascima godišnjeg finansijskog izvještaja iskazala troškove zakupa poslovnog prostora u istom iznosu, čime je prekršila odredbe člana 21. i 22. Pravilnika o godišnjim finansijskim izvještajima političkih stranaka.

Uvidom u Izvještaj o računima pravnih lica iz Jedinstvenog registra transakcijskih računa u Bosni i Hercegovini koji vodi Centralna banka Bosne i Hercegovine, utvrđeno je da je transakcijski račun Bošnjačke seljačke stranke ugašen 24.02.2012. godine.

5.2. PREPORUKE

Preporučuje se Bošnjačkoj seljačkoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da vodi evidencije o prihodima i rashodima i***

¹ U skladu sa odredbama člana 12. stav (3) Zakona o finansiranju političkih stranaka, rok za dostavu godišnjeg finansijskog izvještaja za 2014. godinu je 31.03.2015. godinu.

- *da finansijske izvještaje koje podnosi Centralnoj izbornoj komisiji Bosne i Hercegovine dostavlja u zakonom propisanim rokovima i popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR:

U ostavljenom roku, Bošnjačka seljačka stranka nije dostavila primjedbe na Preliminarni izvještaj o reviziji godišnjeg finansijskog izvještaja za 2014. godinu.

Šef Odsjeka za revizijske poslove, revizor

Sanja Tošović

Šef Službe za reviziju, revizor

mr.sc. Hasida Gušić